


皇華集

三
卅五

内閣文庫		
番號	漢	17836
冊數	42 (35)	
函號	圖	137 2



皇華集卷之三

練光亭次許穎翁韻余諸生時曾於
夢中得句竟爾竒符穎翁舊號海嶽

云

井田踏徧練光來城上空亭已洞開萬里
白波明晶晶江流至此獨潑洄岸上綠雲
春暮樹拂舞天光盤島嶼漁舟千片逆樓
船明日使臣從此去大江欲衍辟羣山德
巖漩作落星灣夜來舉火明額字此亭恍
矣斗杓間我欲題詩剪楮葉仰見前入歌

白雪海嶽風雲夢裏同欲學流螢度明月
石火忽而六十秋雕甍依舊俯江流江頭
吊古應無數感愴惟有殷仁丘仙阮篋
已在手昨日流音今日否擬向主人披素
心練影早落杯中酒連朝羽檄自西飛悔
別滄溟負釣磯幸有大同江上色時時搖
曳待余歸

劉鴻訓

同劉青岳登練光亭俯次許穎翁韻
星槎搖曳碧波來翠黛樓頭面面開停棹

中流浮綠蟻夕陽遠眺水光洄洄波映火
照江樹隱隱孤亭立江嶼間雲搗練斷復
續招招舟子來還去亭俯晴川半揖山萬
千氣象落江灣登臨讀遍吟風句風流儒
雅寄壁間座上金馬入玉葉引商刻羽和
白雪絲筆久入江淹夢乘興何須庾樓月
我憶江南麥穎秋歸心千里駛江流江山
俯仰皆陳迹檀君箕子一荒丘就令德巖
擎天手城與江亭長在否水光匹練似多
情收入亭心伴客酒亭中練影帶鴉飛亭

外江聲走漁磯閱盡冠蓋豪遊客携得練
光半影歸

溫陵筍江居士楊道寅具草

次練光亭韻

牡丹山從太白來翠壁中拆澄江開素
練平鋪浪不起粉堞十里相沿河晴烟
鬢髯漢陽樹暮色參差滄海嶼畫閣登
臨送遠目

羽裳欲御長風去

仙夢今宵入鰲山彩舫昨日浮龍灣

高情却放形骸外

和氣常瞻

眉宇間金樽良醞映紫霞玉椀新茶瀉絳

雪

清遊復期躡汗漫

王程莫怕淹日月海嶽綺語今幾秋築城勝事
傳風流東明古迹更何說九椽臺殿成
荒丘千載興亡一拍手朝天麟馬尚在
否行雲逝水總傷心欲向空山為澆酒
花牋落筆逸如飛狂吟直倒綾羅磯後

之視今亦如昔，遽廬天地終同歸。

李爾瞻

前次許穎翁練光亭韻，內留一、二字，
改剪楮二字乞命。善書者更正發行，
日來旅况甚惡，兼之腕中有鬼，不能
疾書，請教從前諸拙作。幸門下隨時
裁刻，用附前賢，亦一時星軺之榮也。
倘有好懷，不妨手奏塗鴉之技，不悉。

劉鴻訓

快哉亭用許穎翁韻

邊報糶糊甚，登臨一快哉。江山憑故國，詞
賦咏高臺。萬井炊烟發，三春旅况開。但期
子役竣，不盡主人杯。

劉鴻訓

次韻

行役悲衰也。山河信義我，十年三擁節。
萬里一登臺，佳會真難得。煩襟幸暫開，
穎翁留舊迹。
高咏且啣杯。

李爾瞻

練光亭

亭納清光素練浮江天檻外午風颺登攀
不盡臨流興回首燕中碧玉樓

快哉亭

乘槎萬里喜登臺寥廓舒眸亦快哉燕舞
花飛增景色座間時有薰風來

挹灝樓

樓前汎汎沙棠舟水湧晴川灝灝流有客
凭欄舒晚眺漁家沽酒上汀洲

楊道寅

次練光亭韻

鼇背朱甍鏡面浮江風吹練冷颼颼
世間有此仙人館天上休誇十二樓

次快哉亭韻

天風吹我上瑤臺日子河甥安在哉惟
見綾羅島下水長波袞袞至今來

次挹灝樓韻

大同城下繫蘭舟百尺華譙瓦欲流沉
澹清英如可挹直隨玄鶴過長洲

李爾瞻

初見門下，即賦此篇。懶甚，未遑草付。
扇頭抵生陽館，欣然書之。請政君子
道長，其今日舉似之意乎？家刻一部。
容至黃州，檢上荒吟拙寫，幸明公不
甚鄙夷為感。

一望清標賦淇澳，贊政庭中君子竹。長揖
郭外未全披。

龍亭之下，紛躬鞠。登堂髣髴見蒼筤，張筵始
覺呈文郁。勁爽如君自本來，梳風浴雨絕
塵埃。

上國勞臣無所慕，家園百晦長莓苔。數竿曾
移渡淄水，僅能小挺聊娛耳。空眼閱入想
逸姿，世事琅琅亦如此。東國逢君金石和，
無言蚤已聆其多。龍灣駐節渾無事，狼毫
抽得為君歌。

君子篇為李贊成觀松賦

濟南劉鴻訓

日昨猥承

題扇過蒙

獎詡，揣分顧影，彌切慙醜。謹次

瓊韻祗陳感懷

濟南雅量無崖澳道合橋梓與義竹

雙壽堂中

齒德齊舞綵三鳳樂

育鞠世襲簪纓業傳經一家

文章擅醞郁

積善餘慶及雲來

冰壺玉鏡離垢埃

校書幾燃太乙杖草

詔時揮側理蒼怒猊抉石龍躍水妙墨喧傳天

下耳

天皇御極頒璽書

玉節煌煌今到此牛鐸安能協雲和

一字華袞受

賜多君子之篇

君子作此歌羞向此君歌

李爾瞻

黃州館

清歡閣道太虛樓瀟洒黃州百雉頭烟雨

霏霏縈紫燕松風謾謾鬱青丘羽書未斷

偏愁客蒿目何曾是壯遊寄謝齊安賢岳
牧殷勤那得不淹留

劉鴻訓具草

次韻

西來重上仲宣樓目極關河地盡頭萬
里朝宗通碧海三清

仙子降丹丘虜氛未靖慙雄略
王事多艱負勝遊何計可能停
羽蓋風光好處為詩留

李爾瞻

宿齊安館用劉太史韻

齊安清景謾舒眸獨上太虛百尺樓叱馭
海東程已遠回瞻薊北雨初收風過函苞
微香度月暗女墻夜色幽兼有天驕頻豕
突却無佳况此淹留

筍江居士楊道寅

次韻

春晴江郭豁吟眸關外初登第一樓羽
檄方期

天討舉狼烽未報虜塵收幸逢

寶曆垂三統偏荷

洪恩洽九幽早晚

仙驂歸紫府唯將

妙墨壁間留

李爾瞻

初夏朔日趨洞仙館二首

麥穎初抽雉雉飛雨餘嵐氣濕人衣春花
落盡香魂撲遠黛勻將翠入微景物何曾
容倏寐詩腸撩我未言歸况兼好友來相
伴日午停車亦效扉

又

山容特地起嶙峋十日山行一日新青鳳
嶺頭浮秀靄杜鵑花底護殘春爛斑古穴
文房石隱約清溪釣客綸欲向龐眉詢洞
口不知那是武陵津

東海劉鴻訓書

初夏朔日同過洞仙抵平山方見劉

青岳咏聊次其韻

聞道鳳山神已飛到來苔色上征衣赤松
身去留虛洞弄玉簫橫繞翠微春草無心

荒徑合漁人有路石門歸
僂踪久不落塵世安得玄關可扣扉

又

鳳山山上石嶙峋
屏列奇觀眼界新
荏苒韶光時轉夏
招搖林麓鳥悲春
仙風拂拂能飄袖
舊洞深深獨隱綸
慚向山靈忙裏過
誰緣洞口問歸津

荀江居士楊道寅

次韻

溪路泥融新燕飛
驛程花亂撲征衣
青

陽羨景酬詩盡斑鬢離愁得酒微
山上何年孤鳳去人間今日

兩仙歸餘生欲學金丹訣
古洞來敲白玉扉

又

拔雲羣岫亂嶙峋
捲箔高樓霽景新
白壁已知酬國士
黃金無計買陽春
自從持節辭

螭陞鷄

夢抽毫演

鳳綸仙館正宜留

此客

靈槎却恐

返天津

李爾瞻

午餉洞仙館坐席團而夢寐壁上題
有夢無家四大字醒趣登輿聊成韻
識之

聚歡浮碧曾幾時忽報邊塵悵亂離長路
鳴蟬初夏噪故園歸棹入秋遲夢疑有景

却非夢思到無家不禁思萬里途賒難假
翼吟同河上不勝悲

啓荒吟不惟意興索然亦末力衰也
俟到

王京乞足下餘勇鼓之庶幾有振置
棄無足和也

楊道寅再拜

次韻

人間聚散不多時

仙侶何曾歎別離華表鶴歸非是久滄洲

鯉返未為遲終期

家世膺休慶謾向

庭闈費夢思

舞彩稱觴知有日天涯莫作遠遊悲

李爾瞻

宿龍泉館作歸舟之計

陰風栗栗詫深秋客子萍踪入夢浮夜半
皎光寒左臂晝聞龍水鼓前鷗不因傀儡
牽詩酒欲避烽烟問斗牛博望星槎如可
借相思長結海西頭

東海劉鴻訓書

次韻

驕虜憑陵不待秋遼河西望陣雲浮

詔頒青社來

覆鳳路過黃岡

擁八驪

聖武終當殲觸兒

皇華且莫驗沉牛龍泉館裏龍泉吼何日提携
出塞頭

李爾瞻

同楊湛我李觀松看玉溜泉分韻葉
得支字

陰森澗戶綠烟吹遙想葱峯幻出奇館下
澄潭收玉乳林端石髓滴漁磯斜穿委洞
窺三島小鑿寒林課五芝為倚雲根成護
惜休教凡斧斲仙肌

東海劉鴻訓書

劉青岳李觀松邀觀玉溜泉偶爾不
赴分下韻葉得庚字

僊山葱秀碧溪清石竇天開玉液生難把

驚心臨止水羞將華髮照澄泓塵襟不入
湘靈韻佳句頻吟俗眼明忽劉太史
佳求到嗽石
枕流歸底事空留皓月送泉聲

溫陵筍江居士楊道寅

翰院大人遊玉溜泉改以玉乳靈巖
命名仍分韻于

都科大人不佞得東字以紀其事
玉乳在靈巖玄理固難窮既稟至柔性
能占善利功色奪瑤池雲影欺金井虹
藥淵愧微品醴泉稱下風地媪不愛寶

神女欲誇工博施膏豈屯懸流泉即蒙
西子河豚比貴妃塞酥同王濟後何蒸
張蒼飢莫充五行協正養一氣誣大冲
文王昔四乳天下仁化融

聖皇亦止慈

惠澤漸海東慈巖乾竇開應與天河通忽觀

仙槎來欽仰

禮數崇

為愛山水窟

雙憇清冷宮

羽蓋長松蔭

錦袍芳桂叢紫苔步金沙白石臨青銅舒

姑奏幽樂蜀客呈郛筒却

命佳額鑄便增

寵渥隆彩牋

珍篇麗丹崖

寶畫雄小子陪

杖屨長途賴

旃幪在川想魯叟觀海學鄒翁飲

德感死生沐

仁期始終

李爾瞻

偶見前人題咏之多怪而問之

牛峯西下古豬灘添嶺尋看漆樹難語似
禪家無義路何勞白壁點花癩

劉鴻訓

次韻

白蹟何年涉此灘漆林經割尚存難茂
先物志猶多漏莫向方言強索癩

李爾瞻

吾助川午憇

吾助川前列翠屏有人屏外坐吹笙
寒帷欲立澄潭上咲倚巉巖澹世情

長白劉鴻訓書

次韻

白鶴峯前繞石屏素娥月下奏鸞笙
恍然異境皆移此始覺

天仙別有情

李爾瞻

為黃州觀察使鄭荷潭賦并請政

烟郭山城景物殊，遙瞻方伯德為隅。郊迎漢詔班初重，外翼黃人力不匄。庭下已生書帶草。

殿中先識子游鳧，穿雲涉水勞相送。持贈慙無咳唾珠。

劉鴻訓

次韻

紫芝眉宇禮容殊

天上仙槎此一隅

厚意敢忘承

鄭重

聖恩無計答

勤劬

文章快觀高岡鳳，名數慙同渤海鳧。更荷

題詩便面

贈手中贏得幾驪珠

黃海道觀察使鄭 出

開城西望松岳

望望開城隔幾重，金郊先見秀芙蓉。高探碧落繩河近，下控扶桑海色濃。藩服名山

聞

上國

清朝祀典重東封聞國初曾遣我來更倚丹

楹外想像南天五拇峯

高麗故宮

白石松巒舊麗都半城野色漲青蕪縱橫
輦路開阡陌凌亂雲橋卧牧窻千載雄圖
今有主四時烟景盡堪娛不須憑吊前王
事平壤開城總奧區

龍女井

天女由來匹帝孫野史謂王靈姿獨向
洗頭盆君王應抱千秋恨古井旋臺對墓
門

南城鐘

三尺蒲牢百尺臺倭奴曾此駭風雷島夷
正是爰居鳥萬石鳴時羽自摧

東海劉鴻訓書

次韻

虎踞龍盤氣勢重中天高插玉芙蓉八
仙古洞烟霞秘五聖層臺紫翠濃平壓

西關環地軸，遙連南漢鎮藩封。

皇華此日經過處。

青岳還為第一峯。

次高麗故宮韻

扶蘇山下古名都，多少遺墟鎖綠蕪。
日暮空階聞鳥雀，天寒斷徑見薪芻。
興圖幸屬

千年運耕鑿，終教萬姓娛。何況

聖皇登寶位，汪洋

新渥遍寰區。

次龍女井韻

滄溟來嫁帝王孫，金井還為玉女盆。
一自隻鞋留作塚，彩雲無復繞宮門。

次南城鐘韻

華鐘懸在九層臺，逸響常如百里雷。
思武幾煩

君子聽塞西，應遣虜心摧。

李爾瞻

過高麗故宮

披荆建國舊雄藩，宮殿那堪荒草存。
松岳

山前歌舞地，開京城裏薜蘿村。眼中風月
猶長在，臺上銅駝不可論。自是浮沉千古
事，青松獨閱幾乾坤。

楊道寅

次韻

操雞雄紫闥，名藩五百遺。基尚獨存蔓
草殘，花雙闕。路寒烟，暮雨幾家村。山河
衰旺寧無數，凡楚興亡且莫論。此日大
平欣

再造文明乾象協重坤

李爾瞻

開城東朝盞歌

南巖樹似立馬夫，戴青笠婦赤踝。日初出
盞巖下泥犁，壓草水鏡明。歸來稻苗如鬢
平

遠懷五首

紫薇枝頭綴紅景，扇疊青銅覆雙井。王建
城南飛柳花，長白返旆秋光冷。

又

甲子週迴二十年，長春閣下好開筵。歸心

更比飛雲疾，海水茫茫尚各天。

又

彤墀拜舞別

龍樓指望朱明報

冕旒年麥已春新，粒熟片帆纔挂海潮頭。

又

豺虎縱橫遼水東，義州西望旅人空。何時

更唱清平曲，紫燕江風處處通。

又

壺饁夾路出春明，紈扇題詩送客行。臨別

兩云高麗紙，不知何日贈燕京。

長白劉鴻訓具草

次開城東朝饁歌韻

驅老捷理秧，馬露沾撥襖。泥沒踝，耕谷

口息隴下婦子共饁初。日明何時南畝

黃雲平

次遠懷五首韻

客裏光陰屬畏景

歸心日夜憶鄉井，近來遼塞鴈無書。萬里

長天

雙眼冷

又

遠辭

金闕已經年歸夢分明拜

九慈何日

重裁

紫泥詔琅函封奏

五雲天

又

憶昨

身登

白玉樓

威顏咫尺侍

珠旒自從

來作東藩使

長筭嚴程地盡頭

又

嚙

命離

親出海東及春

歸觀計遂空，遼河莫說風塵暗。猶有
仙槎一道通。

又

荆樹春輝

彩服明

居常同被出，聯行天涯今作孤飛鴈。
會合終期返

帝京

李爾瞻

渡臨津江

江水原稱共，山泉此地多。雲晴白曳練，草
長綠浮波。潮下膠舟膩，橋邊錦鷁摩。西來
成五渡，前路是東坡。

長白劉鴻訓書

次韻

山容經雨淨，江勢得潮多。
鳳蓋凌瑤浦，鼉橋跨碧波。沙從孤嶼沒，樹
接遠天摩。
寶唾留蛟窟，
芳塵向幔坡。

李爾瞻

趨碧蹄四首

雙鷺翻波八翼飛，山腰石佛兩相依。空明
幻影何曾是莖草，金身亦恐非。

又

花香滿路玉龍葱，是處清流扇惠風。一片
塵襟渾欲洗，三山高插五雲中。

又

嶺松馬鬣無差別，江水盤渦孽汗血。何似
渥洼大宛來，浮雲千里飛塵絕。

又

木公金母越東西，穆滿應來過碧蹄。黃竹
白雲誰得聽，空傳三更使人迷。

東海劉鴻訓書

次韻

雲作袈裟頂上飛，石為金像共因依。何
當更續冒黎表，一洗愚氓千劫非。

又

漢陽佳氣鬱葱葱，箕化千年有古風。小
閣踈簾山雨過，亂峯都在畫圖中。

又

神駒自與駑駘別，萬里虜庭能蹠血。我
得此蹄如兔蹄，要看逸足真奇絕。

又

龍媒何日出關西，古道空留碧玉蹄。誰
把千金求此駿，鳴鞭直向海雲迷。

李爾瞻

碧蹄夜雨贈館伴石樓政之

蕭蕭野翠

王京西嵐靄暮山暗，碧蹄風動馬嘶蒼狗。

合亭空月隱子規啼，松濤入夢鄉思湧。樓
角催更曉樹迷，此去漢城半百里，急將
帝命何辭泥。

曉發碧蹄喜晴，贈館伴石樓政之

夜雨曉晴燕雀呼，翩翩

使節霽征途，山浮雲影照飛騎。樹引星槎入
畫圖，迢遞

王城看咫尺，馳驅東海豈斯須。舒懷有喜
眉間動，好把泥彈醉屠蘇。

王京迎詔紀勝之味二首贈館伴

石樓政之

龍飛出五雲

新主遐方聞

息到一王喜

詔從三殿分輦迎先百辟旌動舞千軍

聖德漸東海懽呼應成羣

又

鰲背負山來金蓮湧地開舞童飛彩柱歌

騎擁瓊臺十里香塵起

九天湛露回慙懃無盡意疑是小蓬萊

副使禮科都給事中楊道寅

數日追

陪獲近

清範區區榮幸已不分矣夢寐之外

復攀

題筵五章珠玉燦爛鸞鳳回翔真此

生難得之寶誦玩之餘不覺和

韻呈謝是亦願學焉之意也乞

垂恕教幸甚

次韻

銀漢依微月隱西夜深郊館簇輪蹄商
羊草際疑先舞喚起窓邊恸謾啼但喜
遊塵朝絕穩莫愁前路曉行迷

王京咫尺頒

恩詔定是祥雲護

紫泥

又

疲驟催秣僕夫呼趁曉淒風雨洗途白
水滿畦開古鏡青山挾路展新圖幽悄
盡散行間爵藥物如雷病裏須整滯

嚴程何害事請看餘潤茁羣蘇

又

快觀若披雲西來幾飽聞

詔從天遠可

恩與海兼分喜氣霑甘雨歡聲溢凱軍且看蹈
舞處暑白總爲羣

又

自

天雙鳳來特地六鰲開隱約黃金界玲瓏白
玉臺風烟入驅使雲漢倬昭回最是隨

車雨

洪恩遍草萊

追次高麗故宮韻

五百光陰昔此藩，依然城郭歎猶存。
烏衣朱雀豪華地，落日孤烟野老村。
自是輸贏渾有數，非關成敗謾追論。
唯留寶唾

皇華句白戰奇功當轉坤

館伴議政府左叅贊李慶全

開讀紀事 有小序

四月十二日

國王躬率世子及文武群臣出郭恭迎

詔勅欣惟是日樂舞前導之盛老稚夾觀之繁
具見舉國欽承摯意乃

龍亭甫陞殿驟雨大至

王及世子官僚屏息階下幄次廊廡
間無譁稍俟設置既定雨止雍容成
禮纖悉曲中洵可贊尚越二日休沐
之暇偶拈五言古風一章用志啟羨

樹鳳丹將吐

函芝此日開碧蹄五夜雨灑道絕塵埃霽色
來畿甸歡聲勃若雷旗纛輕綺旒仙馭引
蓬萊

九旒躬伏迓

一索謹趨陪劍珮鏘鏘度替紳濟濟材萬
舞紛前導千容輪軸回

皇澤原大沛

漢詔及時來百拜承

天語嵩呼接上台金石和雅奏禮數肅雍哉

文教名邦洽九服弁倫魁吾生本齊魯仰止
尼山隈每覲有禮人心醉與徘徊矧茲八
區間絃誦湛英才洋洋吾黨風景物類徂
徠目擊浮耳聞企羨何崔嵬勞人小憇餘
走筆贈瓊瑰

濟南劉鴻訓書

次 開讀紀事韻

德水榮光動咸池

瑞旭開

天仙弭絳節雨師泥黃埃雜戲逞神鬼衆

樂騰風雷誕頌

中國

詔爭頌北山萊萬姓快先覩百僚欣追陪

瑚璉

清廟器

杞梓廣廈材

學探秘奧得

文挽狂瀾回海內長者在天祿大夫來

令譽傾簪弁

雅望屬鉉台

言語自慎矣

威儀信義哉養成

雙親耄

孝作百行魁鄒魯本生地禮讓不爭隈檀

化遠

詢訪箕疇躋

遲徊幸遂附驥顧顧之吐鳳才比竹慙淇

澳撫松仰祖徠

曾襟既沕穆

氣岸更葳蕤恭承五字詠奚啻十枚瑰

李爾瞻

君子之至於斯也，不佞何以得趨下
塵乎？榮幸已極，不料

投惠拱壁，滿紙鏗鏘，盥手誦詠，牙頰

爽然，信乎得至寶者難為謝也。區

區賤，終不自抑，敢呈菲拙，冀

垂恕教而已。

百戲迎

息設千門際，曉開多情送好雨。有意辟纖埃，歡

呼競奔走，隱隱如輕雷。豈惟恰飛動，蘇

興勃蒿萊，仙樂簫韶奏。

琅函鸞鳳陪白日

錦袍爛嵬峩

廊廟材

芝車按容輿

羽蓋徐低回，正是

玉皇史，遙從

天上來

精神石麒麟

地望星躔台

文章若河漢浩浩何壯哉屈宋剽作衙遷
固推為魁洋洋振

文教一日遍海隈顧

公須信宿於此且徘徊附驥固已幸執御
柰非才何殊盈尺蘿出壑攀徂徠

高山聳仰止萬丈增崑崙煌煌一篇

詞字字謝瓊瑰

李慶全

南別宮開宴三首

越日張高宴情聯舉未遲樂宣衷縷達觴

續積忱披移我惟冲醉成歡在坦夷名藩
賢父子別後恐相思

又

折俎雕筵側清歌綺席前
袷妝陳羨麗急管節踰躑
譯者傳佳語勞人切遠天
精忠歸

奏罷還寄五雲箋

又

上公趨翼翼迺進黃金盃
罄折兼盤辟魁姿復異才
仙音浮海嶠清醪醉蓬萊
為問

那堪此人從

北極來

東海劉鴻訓具草

次韻

每幸聞

名早猶嫌得

御選

彩毫誰及掣縹帙不停披

賢路登文陛真源

邇武夷預愁滄海別應惱碧雲思

又

翠幕層簷外羅窓曲檻前鳳凰歌裊裊

鸚鵡舞蹁躑

禮貌尋常地

威顏咫尺天終慙

贈鄭紘何以報巴箋

又

勝會須燒燭

高情且盡杯

史探金匱業

詩擅玉堂才

紫綺淹

仙節

斑衣夢

老萊佳期難再得何日

肯重來

李爾瞻

次韻

啟宇晴陰轉華簷麗日遲

芝蘭纔乍挹雲霧已全披
夕荷

漸文教偏蒙

不鄙夷他時嘉樹傳總為別來思

又

綺語堪傳後

清姿迥邁前羣雞真鬧擾

雙鶴獨踰蹊快靚空中閣容窺井裏天無

因穩承

誨虛愧達荒箋

又

只為

嘉賓設非關強進杯

仙容那敢近俚俗本庸才

客路連滄海歸程接草萊相思費北望秋

鴈幾時來

李慶全

寶篋披來驪珠散亂讀至終篇不覺

失匙起立雖然不有容者

珠玉何從自至盥手莊誦敬謝

賢左右道契云

揚使詩扇從相公沈損出來故附江損呈

謝

聽說

深巖是

道家

玉人消息近還賒思時別院門初掩坐到

虛簷月欲斜久信浮沉元有數不堪離

合又無涯

歸帆定過三山路

折得仙桃第幾花

李慶全

遊漢江初成屬諸公見和

空江日麗照晴沙似選佳期間水涯岸上
芙蓉寒玉立波間綺縠錦紋斜蒼光雲影
狎鷗渚野况新詩散物華此會高朋良可
羨飛飛十二紫流霞

舟中舞童

攜將文舞上蘭舟照入澄波錦水流飄雪
迴風雙袂冷暑中翻作漢江秋

荷筍

荷筍冰盤乍入嘗助人新爽是江鄉仙曹
欲醉凌風去採得江雲貯滿囊

江上諸公懇留賦謝并謀之楊都諫
共銜

王命遡江遊欲把歸程更作籌今日重過楊子
宅恐探玄草又淹留

江頭晚歸

城上雲生埤堥齊歸心早已度遼西崦光
欲下浮青紫又向離宮駐馬蹄

東海劉鴻訓具草

和劉青老遊漢江韻

盪撐漢江泛白沙萍逢意氣在天涯飛觴

皇華集三 三十五
酒入山容碧，舞袖隨波影斜。一鏡晴空
成景色，五陵公子自豪華。愧無吟況綠衰
老，絲筆昔曾賽落霞。

楊道寅

海外鯨生井底魚，幸陪觀遊得

觀

盛製如躡天衢而聽仙樂，不勝感激

歡喜謹依

韻奉呈

江流風漾浸瓊沙，極目烟蕪接海涯。

天上神仙遊汗漫，毫端鸞鳳字橫斜。濟南從
古多名士，漢比于今拜

使華勝賞何由留，日馭晚山遙。惜觀輕霞

次舞童韻

滿江簫鼓咽仙舟，舞袖翻風映玉流。觸
目

詩成皆綺語，邦人誇誦幾千秋。

次荷筍韻

殊方釘餽豈堪嘗，荷筍依然似越鄉。擊
出

詩牋真分外歸家珍襲繡為囊惠以詩

謝意

次諸公懇留韻

快觀

皇華賦遠遊停驂詩酒更添籌不堪宴罷重回
首江漢滔滔月獨留

議政府領議政朴承宗

鯁生叨陪

仙躅共泛漢流實平生夢寐所不到
也尊俎之間

寶唾成章得而觀之不翅琬琰之在

手况承

索和之教耶感荷

知遇庸綴俚語謹冀

介正

旌旆如雲簇晚沙徐牽錦纜更沿涯雷
鳴簫鼓潛蛟舞風颭牙檣畫鷁斜勝地
不妨淹暮景奇遊且幸御

皇華他年此會應難再一去

蓬萊隔彩霞

次舞童韻

爭覩

雙仙共一舟日斜移棹遡江流
清標自是驅炎暑斗覺東湖四月秋

次荷筍韻

風味殊方盡備嘗敢將銀筍得名鄉
仙人愛此留佳句濟上終期荷下笈囊

次諸公懇留韻

使華今日共清遊為折繁花當酒籌江上莫
辭終夕醉狎人鷗鷺亦相留

鰕生曾於

顧崔兩大人之來為遠接

朱梁兩大人之來為館伴

極峯熊大人之來亦為陪宴前後遊

漢江皆四月也昨日又叨席次獲

奉

瓊章乃三復在誦遂異天時之不差

傷入事之難再謹依

高韻庸申感緒

處處新陰漾碧沙幾回遊賞屬南涯天

時如約清和至舊意逢場白髮斜滿樹
鶯聲猶覘皖臨江

獸錦倍光華奇歡擬整留連飲暝色前山
已壓霞

次舞童韻

雙舞盈盈弄彩舟行人錯擬步虛流
天仙一去天風散曲罷依然錦席秋

次荷筍韻

殊方享客百無嘗雪藕為珍重海鄉玉
井如船風味別不堪收拾入詩囊

次諸公懇留韻

細酌相忘萬里遊郵籤何用替為籌
公歸不復東人恨

赤舄委蛇且少留

領中樞府事李好閔

頃者將

國王之命候于

館下敬問

起居伏蒙

大人出送拜帖不知海外鯨生何以

得此今於漢江舟中猥承
再問至於

語及拙詩感激何言茲奉

盛作不覺歎服敢和

高韻少致區區景仰之意惟冀

恕亮

雙旌下坂列平沙畫舫相迎塞兩涯東望

箭郊天濶遠南通銅雀水橫斜山光明

滅隨雲氣樹影參差動日華偏荷

岳仙頻借色仍知越俗是朱霞

次舞童韻

江漢叨陪

李郭舟游洄終夕試中流河清曲協童男

舞共祝

新皇億萬秋

次荷筍韻

魯酒休言不足嘗東偏亦有水雲鄉

行厨荷筍供詩語却與烟霞入錦囊

次諸公懇留韻

天上雲旗賦遠遊舟中小酌不須籌吾

王敬

客真如渴，儻許

飊輪數日留

次江頭晚歸韻

箕封隔水近青齊，為說長安笑向西，勸

進一盃仍起立，厨人已報熟馳蹄

領中樞府事柳根

皇華集卷之三

